

მშენებელი


№ 34

1917

ბედის სიმღერა

შევირცხვეს დღეობა
 ოცდაათ ივლისო!
 მშვიდობით ინკერნერ,
 მშვიდობით თფილისო!
 მე შენზე ვზრუნავდი
 დღითა და ღამითა;
 შენ კი თასს მომაწვდი
 ნალვლით და შხამითა...
 არ მეზოგებოდა
 მე შენთვის ხმა, ღონე,
 და თურმე ქალაქში
 სად მყავდა გამგონე!
 მაშ ვისთვის ვაფრქვევდი
 მე „სიტყვებს“ მქუხარეს,
 თუ ეგრე უდროით
 დამსვამდი მქუხარეს?
 მშვიდობით შენ, ჯაქვო,
 თავ-შემოსარებო;
 მშვიდობით პატარა
 წკრიალა ზარებო!
 მშვიდობით სოლოლაკ,
 მთაწმინდის ქუჩებო!
 მარქვით, რას მერჩოდით
 „ზავაგზლის“ მუშებო?
 შევირცხვეს დღეობა
 ოცდა-ათ ივლისო!
 მშვიდობით ძვირფასო
 ქალაქო თფილისო.

— კი.



პატარა ფელეტონი

ღამფუძნებელი კრება

ჯოჯოხეთის პარტიათა პირველ კრებაზედვე გამოირკვა „ღამფუძნებელი კრების“, ღიადი მნიშვნელობა ჩვენი დუხჭირი არსებობისათვის.

ხმის დიდი უმრავლესობით ნაციონალური საკითხის გადაჭრა პარტიათა დღეგატებმა „ღამფუძნებელ კრებამდე“ გადასდევს.

მიწის საკითხი, რომელიც განსაკუთრებით საგრძნობელია ჯოჯოხეთისათვის ადგილის სივიწროვის გამო, მიუხედავად სიმწვავისა ჯერ გაურკვეველი დარჩა და „ღამფუძნებელ კრებისათვის“ გიდაიდო.

საკითხი ეროვნული მხედრობის შესახებ ჩვენს სიეზდს თითქმის გარკვეული ჰქონდა, მაგრამ ბოლოს გამოირკვა, რომ მისი გადაწყვეტაც მხოლოდ და მხოლოდ „ღამფუძნებელი კრების“ კომპეტენციაში შედის, რის გამო გიდაიდო აღნიშნული კრების მოწვევამდე.

ასეთი ბედი ეწია, თითქმის ყველა ღირს-მნიშვნელოვან საკითხს და ღრმა ფიქრების დატვირთული დაგბრუნდი სახლში.

— მადლობა ღმერთს, სახლში დაგინახე, — მომაგება ძვირფასმა კანონიერმა მეუღლემ ჩემმა, ქნმა ჯვადუმ, — იქნებ ახლა მაინც მოვახერხო შენთან ორი სიტყვის თქმა საჭირო საგანზე.

— რა ამბავია, ხომ არაფერი მომხდარა ოჯახში?

— ჯერ არ მომხდარა, მაგრამ ხომ შეიძლება მოხდეს?

— მაინც?

— მაინც ისა, რომ აგერ ივნისი მოდის ქალაქში აუტანელი სიცხვა.

— ვიცი, ვიცი...

— შენ არაფერიც არ იცი, შენ მაშინ გეცოდინება, როცა მეცა და ჩვენი ბავშვებიც ლოგინზე დავეყრებით ექიმებისა და ფარმაცევტების სათამაშოთ.

— მოთმინება ქნო, მოთმინება ტყვილათ ხომ არ ამბობს საღმრთო წერილი: მოთმინებითა შენითა...

განა ცოტა ვითმინეთ? მეტი მოთმენა აღარ შეგვიძლია. განა როდემდი უნდა ვითმინოთ?..

— როგორ თუ როდემდი? თავის თავად ცხადია ღამფუძნებელ კრებამდე უნდა მოვიზომინოთ. აქ ლაპარაკი ზედმეტი იქნება.

— ღამფუძნებელ კრებამდე?..

— დიახ ღამფუძნებელ კრებამდე, ახლა ხომ ძველი დრო არ არის ღამფუძნებელ კრებას ანგარიში არ გაუწიოთ. სხვა არა იყოს რა ხალხი რას იტყვის.

— კარგი, კარგი, რა გაწყობა, მეგ კრებასაც დაუცდით, ერთი დღით ადრე თუ გვიან ეგ არაფერია, მაგრამ აი ამ გოგოს თუ ახლავ არ ვუყიდეთ საგარაკო მაღალყელიანი ტუფლები ყოველად შეუძლებელია.

— რამდენი სქირია?

— თვრამეტი თუმანი...

— რამდენიო?

— რამდენი და თვრამეტი, თვრამეტი თუმანი.

— აჰა! განა ასე უსაშველო და აუცილებელია ახლავ ყიდვა?

— მაშ როგორ იქნება?..

— თავისთავად ცხადია, უნდა გადაიღოს ღამფუძნებელ კრებამდე. ასეთი დიდი ხარჯის ახლა გადაწყვეტა ყოველთა შეუძლებელია.

— ვერაფერი გამიგია სწორეთ...

აღამიანო ნუ გაამხელ მაინც! რევოლიუციის ხანაში სცხოვრობ და ღამფუძნებელი კრება ვერ გაგიგია, კარგია თქვენმა მშემ. უცხოსთან მაინც არ წამოგცდეს, სირცხვილია რას იტყვიან.

— კარგი, ბაშაკებს გადავღობთ მაშინ, მაგრამ შლიაპა ხომ დღესვე უნდა ვიყიდოთ, — აღერსით წარმოსთქვა ჩემმა უფროსმა ქალიშვილმა ბაკუმ.

— აბა გაიქეცი, არავინ მოგასწორს. ისე ლაპარაკობ მაშუკი, თითქო ღამფუძნებელი კრებისთვის ვეღარ მოასწრობ. მოითმინე, ქვეყანა თუ კი იცდის შენ რაღა ხარ. რა არის შლიაპა ღამფუძნებელ კრებასთან შედარებით,

— რა არის?

— რა არის და ხმელი ტარანი. ახალგაზრდა მაინც არ იყო, რომ ასეთი სულწასულობა გეპატოოს. ეგ, თუ მათქმევინებ, დიდი სარევოლიუციო

მიზნების უპატივემეულობა და თითქმის მათი აბუ-
ჩად ადგება.

ბაცუ კონტრ რევოლიუციონერკა არასოდეს
ჯრა ყოფილა; პირიქით რევოლიუციას ყოველთვის
თანაუგრძობდა „Постольку по сколько“ს პრო-
პორციით. ახლაც თვალები ცრემლით აემსო და
აღარ იცოდა სირცხვილიდან თავი როგორ დაეხსნა.

— მე ხომ უსაშველოდ...

— არა ვიცი უსაშველოდ არ თხოულობ, ვი-
ნაიდან ეს პირდაპირ წარმოუდგენელი იქნებოდა
შეგნებული ადამიანისაგან, მაგრამ დამფუძნებელ
კრებაზე შეკამათება...

ჰო კარგი იყოს როგორც სჯობია, კრებაც ხომ
მალე იქნება.

ვასამაზე რამოდენიმე მწვევე საოჯახო საკით-
ხი წარმოსდგა, მაგრამ დამფუძნებელმა კრებამ ყვე-
ლას ბოლო მოუღო და ოჯახში სიმშვიდე დაამყა-
რა. ის იყო გულ დასაწოლათ გავემზადე, როცა
მოულოდნელი უბედურება თავს დამატყდა. ჩემს
მეუღლეს კბილი ასტკივდა.

— მოვეკედი, მოვეკედი, მიშველეთ ექიმთან —
მწარე ოხვრა წუხილით შემომჩიოდა ქნი ჯვადუ.

— დამშვიდდი, გენაცვა, ნუ ღელავ, რაც
უფრო იმწუხრებ მით უარესია.

— მიშველეთ ექიმი ჩქარა, ექიმი! გაიძახოდა
ჯვადუ და საშინლად იმდუღრებოდა.

— რათ გინდა ექიმი ჩემო კეთილო, განა
ექიმს რა შეუძლია, რა უნდა დაგეხმაროს...

— მოგოვლეჯ უ. უ. უ. ვაი, მიშველეთ
ჩქარა...

— როგორ თუ მოიგლეჯ? კბილს მოიგლეჯ,
ადამიანო, ასე უდროოთ?

— სტკივა მაშილო, სტკივა, ვერა ხედავ რო-
გორ იტანჯება—შენიშნა ბაცუმ...

— ღმერთო რა ხალხში ვსცხოვრობ, რა ხა-
ლხში გოგოვ განა მე კი არ ვიცი რომ სტკივამ
მე ტკივილს ხომ არ ვამბობ; სტკიოდეს რამდენიც
ენებოს, მაგრამ კბილის მოგლეჯა დამფუძნებელ
კრებამდე, ეს ხომ მოუშოვებელი შეცდომა იქნება?

— მაშ რა ვქნა, მიშველეთ, ვკედები... ვკედე-
ბი...

— როგორ თუ რა ჰქნა ადამიანო! მეტი რა
გზაა უნდა გაუძლო, უნდა მოითმინო, დამფუძნე-
ბელ კრებამდე კბილის მოგლეჯა ეს ხომ რევოლი-

უციის ღალატია, ეს ხომ საქვეყნოდ თავის მოჭ-
რაა. ვინ იცის რა მოჰყვება დამფუძნებელ კრებას
და შენ კი ახლავ გინდა კბილი მოიგლიჯო. განა
დაუფიქრდი, როცა ამას ამბობდი?

— როგორ უნდა დავფიქრებოდი, დარცხვე-
ნით წარმოსთქვა ჰქნმა ჯვადუმ, რომელსაც მარჯ-
ვენა ყბა სავრძობლად წამოუსდგა.—რომ არ
მტკიოდეს განა მე კი არ ვიცი დამფუძნებელი
კრება...

— კიდევაც ისა მკლავს, ადამიანო, რომ იცით,
მშვენივრათ იცით და მაინც მალაპარაკებთ. აი და-
გიჟინიათ ლევანმა ამ კვირაში უთუოდ ჯვარი უნ-
და დაიწეროსო...

— ვითომ რაღას ვუტედი ვერ გამიგია—წარ-
მოსთქვა დინჯათ ჩემმა უტროსმა ვაჟმა...

— რას უტედი ვერ გამიგია!.. შენ ჩემო კარ-
გო შენი დარეჯანი გახსოვს ამ ქვეყნად,.. სხვა
რამ თუა ყურადღების ღირსი იმაზე აღარც კი
ფიქრობ.

— დიხაც კი ფიქრობ.

— მაშ თუ კი ფიქრობ, რომელ ქველთა
მყოფელს მოუფა თავში ჯვარის წერა და ისიც და-
მფუძნებელ კრებამდე.

— დამფუძნებელი კრება არ იყო უწინ, მაგ-
რამ ჯვარს კი იწერდენ...

— სთქვა რუქამ არაკი როცა არ იყო, მა-
შინ მოცდაც არ შეიძლებოდა და არც არავის
გამეტყუებოდა ასეთი საქციელი, მაგრამ როცა
დამფუძნებელი კრების აჩრდილი თვალწინ გვიდგა,
როცა ქვეყანა მის მოლოდინშია, ყველა იმას
უფარდებს თავის გამოსვლებს, საკითხი სულ სხვა-
გვარ ირკვევა. დღევანდელ მომენტში ასეთი გა-
მოსვლები სამართლიანად შეიძლება კონტრ-რევო-
ლიუციონურ გამოსვლად ჩითვადოს.

— რატომ უნდა ჩითვადოს?

— თავისდავად ცხადია. ამისი კითხვაც სირ-
ცხვილია ახალგაზრდა ყმაწვილისაგან. საკითხი თა-
ვად ლაპარაკობს თავის შესახებ, აქ საჭიროა მხო-
ლოდ უბრალო შეფარდება.

— მე აღრე მიჩვენია, თორემ გადადგმა
უსაშველოდ როდი მიმაჩნია.

— ვიცი, შვილო, თქვენ ყველას კარგათ გე-
სმით საქმის გთარება; ჩემზე ნაკლებ არ გაინტე-
რესებთ არც დამფუძნებელი კრება, მაგრამ განგებ

მაღაპარაკებთ, განზრახ მტანჯავთ. აბა მიიხედ-მოიხედე ვინ აპირობდა ჯვარის წერას დამფუძნებელ კრებამდე შენს გარდა. გარწმუნებ არავინ, ვინაიდან ყველა შეგნებულ მოქალაქეს ესმის მომენტის სიმძიმე და დამფუძნებელი კრების მნიშვნელობა.

— იმ დღიდან, ვიდრე დღემოდღამდე „დამფუძნებელი კრება“ ჩემი მიუვალი სიმაგრე და შეურყეველი ბურჯია. კადეტებმა თითქო იციან ეს ამბავი როცა ცდილობენ რაც შეიძლება გააგრძელონ ვადა მისი მოწვევისა.

მორიელი.

„მოსაქმენი“

მე ვფიქრობ: ერთობ ძნელია
 „სახალხო“ მოღვაწეობა,
 მრავალი საქმის პოტინი—
 (ყოველგან „მეჩქმეობა“)
 ხან აქ ფუსფუსი, ხან იქა
 წაღმა უკუღმა ტრიალი...
 აღმოეცლების კაცს სიქა;
 ეწვევა გულის ფრიალი!
 უდროოთ იგრძნობს სისუსტეს—
 მოუდუნდება კუნთები,
 თვით შესძულდება დაბოლოს,
 თვისი სიცოცხლის წუთები
 ეს კანონია ამგვარი
 და სინამდვილეთ თქმულია,
 ამა სიბრძნისა უარყოფა
 ცოტა საძნელო, რთულია!..
 მაგრამ სუფევან „გმირები“
 ამ კანონს ეურჩებიან,
 ჩვენი „მამულისშვილები“
 „საქმისთვის“ იტანჯებიან;
 „ქართველი ხალხის“ სიკეთე
 სწადათ, მისთვის იღწიან,
 (მე თუ არ გადავამეტე—
 ვგონებ, რომ კიდეც იბრძვიან);
 მაგრამ კითხვაა: რას ქმნიან?
 ან რა საწადელს აღწევენ?
 დიდი ხანია ოფელს ღვრიან—

შრომობენ, დაფარფატებენ;
 სოფელ-ქალაქებს მოედვენ
 თავის „პარტიას“ აწყობენ
 და ასე, ტკბილ-ტკბილ სიტყვებით
 ზოგ-ზოგსა კიდეც ათრობენ!
 ჰო-და, რას ქმნიან ეს „გმირნი“
 საღ არის მათი ლაშქარი?
 რატომ შთებიან, ვით მწირი
 გარიყულ, განზე გამდგარი?
 რისთვის არ ირჩევს მათ ხალხი
 რათ შეაქცია ზურგია,
 რათ დარჩა ხმათა ტრაბახად
 მხიბლავი მათ ლოზუნგია?!
 ამდენი წელი „იღწვიან“
 საღ გაამაგრეს ბქენია,
 ნუ თუ ესდენი ლოდინი—
 არ არის მოსაწყენია?!
 ახ, ნუ ავ თქვენს მოთმინებას!—
 როგორ სძლებთ „მოსაქმენია“;
 რატომ ანგარიშს არ ითხოვთ,
 რალა გაქვთ მოსამკელი?!
 „ბევრი ვთესეთ“-ო! - იძახდით,
 გამოგვიქედეთ ყურები,
 დღეს ხომ აშკარათ გამოჩნდა
 ფაქტების ნაღასტურები!..
 ოთხ-ოთხი ხმა ძლივს მიიღეთ
 ამით ტრაბახობთ „გმირები“;
 ილხინეთ, კიდეც იყვირეთ:
 „ჩვენ მოგვდევს შრომის შვილები!“
 ოცნებაც კარგი საქმეა—
 აწ დაიმშვიდეთ გულები,
 მოთავსდით თქვენ-თქვენს ქერქშია
 გეყოფათ ტრაბახ-ტყულები;
 ხალხი კვლავ ივლის თავის გზით
 თქვენგან შორ განადგომია,
 ნუ შესწუხდებით -- იმათთვის
 სხვა წრე მოსძებნეთ სჯობია!..
 ალბურონი.



ქ უ თ ა ი ს ი

(საზაფხულო კლუბის ბალიდან)

წავიდა ჩემი სიქაბუკის ამონაკენსი,
 უკანასკნელათ მოაჯირთან დამიკრა თავი;
 ვატყობ არ მელის არასოდეს მე უკეთესი
 და ყოველ წუთში მესმის ხმები სულ გულ საკლავი.
 შენა გგონია ძმაო ეშმაკო, რომ დაგივიწყე
 და აღვიკვეთე შენს „მათრახში“ ლექსების წერა?!
 ნეტავ იცოდნენ რომანები, როგორ დავიწყე,
 ნეტავ იცოდნენ ჩემი გულის და ტვინის ძგერა!
 აღარაფერი ამა ქვეყნათ არ დამჩინია,
 ისე უაზროთ მიმაქროლებს გრძნობა წყეული,
 ან დავმარცხდები, ეს ქვეყანა ვის, შერჩენია,
 ან და გამოვალ ვით იობი ტანჯულ ძლეული.
 საზამთრო კლუბის არ მინახავს ვფიცავ კარები,
 საზაფხულოში ყოველ ღამე დავიარები;
 ჯერ მას ვერ გეტყვი ვისი მომწონს სახელ გვარები,
 ვისით გამიჩნდა მძიმე წყლული დაიარები.
 ოხ ვინ არ გინდა იქ არ იყოს და იქ არ ნახო:
 ფილოსოფოსნი, ბანკირები და საპოეტნიკი,
 თუ ტყუილი ვსთქვა, ჩემს სატრფოზე ჩამოვითაღობო
 და ჩემს სიკვდილზე არ გენახოს დასლილი ტიკი.
 ეს ვინ არ გინდა იქ არ ნახო, „გიჟი“ ქალები,
 მთელს შენს სიცოცხლეს შეიწირავს მხოლოდ თვალები
 შორს, შორს, შორს ამ დროს და ისიც იქ იდეალები,
 თუმც, რომ იცოდნენ ყველას სძულხარ არ ებრალები.
 იცი „ეშმაკო“ იქ ბალია, ბალში გორაკი,
 გორაკის შვაში ამოჭრილია ხნიერი მუხა,
 რა კარგი არის ამ მუხაზე ტურფა გაშაკი,
 სულ ერთი არის მაინც მოკვდა ვინც სხვა იწუხა.
 რევეალუცია აღარ ცხრება მაინც ქანჯალობს,
 ეგ კითხვა არის, ველირსებით მის დამაგრებას!?
 მოპირდაპირე, როგორც სჩანს ყოველ დღე ძალობს
 და არ ვინ იცის მოგვახვევენ თუ ვისა ნებას...
 —ეი მიშველეთ, როგორ ავცილ მე წმინდა მიზანს!
 ღმერთს გეფიცები, მხოლოდ გრძნობამ ამათამაშა!
 მე კვლავ ბრძოლა მსურს, მტერი მკატრი ვერა რას
 მიზამს
 მხოლოდ მებრძოლებს, მედგარ გმირებს ვაშა და ვაშა!!

(გარეთ ლოტო)

ბედნიერება გააჩაღეთ ეგ ღამე ბნელი
 და დღეთ გახადეთ გადალახეთ ბუნების ძალა:
 რა კარგი არის ღამის ნაშვე ცხოვრება წელი,
 მეთარეები დაუკაროო საკრავი ჩქარა.
 გადააბრუნე მელოტოვე წენც ლოტოს ჯარა
 და ამ ცხოვრებას მიუმატე შენ შენი წვლილი,
 სულ ოთხმოცის ვარ, ღმერთსა ვფიცავ და მტრის არა,
 ამითამაშე გევედრები ეგ სახე ჩვილი.

(ბანძოს ოთახი)

ჰა ეს ოთახი მკრთალი ოთახი.
 თუთუნის ბოლში გამოხვეული,
 ჰა ეს ოთახი, ოთახი მთვრალი,
 ოთახი ნაქებ და თან წყეული.
 ვინ გინდა, შით რომ არ დინახო:
 უცხო, შინაურ და გინდ წვეული;
 რა გინდა შით რომ არ დინახო,
 სიგიჟე ფულით გამოწვეული.
 ეჰ სოფელო! მე შენ რა გითხრა,
 როდესაც ძალას ბოროტათ ხმარობ,
 ქვეყნისთვის ღამის მიწა გაიჭრა
 შენ კი საშველად სულ არა ჩქარობ.
 აქ შეგიყრია მთელი ძალები:
 მდიდარ, ღარიბი, ვალანები
 და მიჯდომიან ბანქას მაგიდას,
 მაუღის ცემას აუღის მტვერი.
 კმარა ამათზე, თმენა არ იტანს,
 სულთ დაიმსგრა და დავიჭერი;
 განთიადისას, როს მამლებს ყვირილი სწყდება,
 და გვახარიას ხაშმუშე უკან ეძლევიან
 მოთამაშენი თავის საქმეს მაინც არ სცდება,
 სანამ ერთისგან დანარჩენი არ იძლევიან.

სატ ნა.

*) დამსახურებული ქურდები.



მუშაკი პრეპინსიაში

(გატრკელება, იხ. „ქუშაქის მათრახის“ № 33).

გუდაუთი-სოხუმი.

გუდაუთიდან სოხუმამდე მშენიერი საეტლო გზა მიდის ზღვის პირ-პირ. ნაკლი გზისა მხოლოდ იმაში მდგომარეობს, რომ უუკურადლებოთ არის მიტოვებული, ოდრო-ჩოდრო და უხიდი-უხოვიროა.

გზათა მორწყვის შესახებ, რომ მგზავრი მტვერმა არ დახარჩოს, არავითარი ზომები არ არის მიღებული. ეს უნდა ითქვას საზოგადოთ ყველა საეტლო გზების შესახებ აფხაზეთსა და სამეგრელოში. არსად სასოფლო გზებს არა რწყავენ.


მშენიერი, მდიდარი, ნაზი და ველური ბუნება აფხაზეთისა არის ვადაშლილი ჩვენს გარშემო. მარჯვნივ ლურჯი სიერცე ზღვისა. მარჯვნივ მწვანე მთები და ვეგორაკები.

სოფლები უფრო მთის ძირებშია შეხიზნული, ვინაიდან დაბლა, ზღვის ნაპირებში ჩასახლებულია ქალბატონი ცუცუ მალიარია, რომელიც ზამთრობით სადღაც იხიზნება, ხოლო ზაფხულობით მოდის აქა და შიშის ზარს სცემს მცხოვრებლებს.

მე ქალბატონი მალიარია დაბა ოჩემჩირეში გავიცანი. სწორედ ის იყო ახლად ზღვაში ნაბანავე იქვე ნაპირას მწვანე მოღზე მივწექ და მივიძინე, რომ მოულოდნელათ თავს დამადგა ვიღაც მაღალ-მაღალი, ხელ-ხმელი და ყვითელ-ყვითელი ასული კოლონას ფრთებით, რომელთა გამკვირვალე ძარღვებში რაღაც შავ შავი ბუშტები მოსჩანდა.

— დაიძინეთ? — სიცილითა მკითხმ მან, და მე ვიგრძენ, რომ მთელი მისი ქმლიერება სწორეთა სიცილში შეიყო.

მსწრაფლ ხელი გავიკარ მათრახზე, მაგრამ უკვე



გვიან იყო. მკლავებში მოულოდნელი კანკალი ამი-
ვარდა, ხოლო მას თან დაჰყვა გულის რევა და
ზედმეტი სიცხე ორგანიზმისა.

მას შემდეგ, ვიდრე სურამის გვირაბიდან ხა-
შურისკენ არ გამოძვრა ჩვენი მატარებელი, მე მუ-
დამ თან მდევდა აჩრდილი იმ ალქაჯი ქალბატონი-
სა, რომელიც ასე დაუსჯელათ პარპაშობს მთელს
აფხაზეთსა, სამეგრელოსა და გურია-იმერეთში.

ამ რევოლიუციამ არა ერთი და ორი ურჩი და
მანეე პირი მოთურგნა, მელიტონ ემუხვარიც ლამის
მშვიდობიანი და უშიშარი მოქალაქის პირობებში
ჩააყენოს, მაგრამ ქალბატონ მალიარიას ფეხებზე
ჰკიდია შენი რევოლიუციაც და კონტრ-რევოლიუ-
ციაც.

მოგახსენებენ, მას მხოლოდ კულტურისა ემი-
ნიაო და თუ ეს მართალა ასეა, მაშჯერ კიდევ დი-
დი ხნის ბატონობა მოელის ჩვენს მხარეში.

სოხუმი.

შუადღეზე ცოტა გადასული იყო, როცა ჩვენ
ქ. სოხუმში შევედით. რაღაც საქველმოქმედო მიზ-
ნით აუარებელ ხალხს მოეყარა თავი ქუჩებში. დავ-
ბინავდით სასტუმრო „ცენტრალში“; არა მხოლოდ
იმიტომ, რომ ცენტრალისტები ვართ, არამედ სხვა
მოსაზრებითაც.

ტყუილი ამბავია, თითქო სხვისი ნალაპარაკე-
ვით ამა თუ იმ კუთხის, სოფლის გინდ ქალაქის
გაცნობა შეიძლებოდა. არა თუ სიტყვა, სურათზე
გამოხატვაც მკრთალ შთაბეჭდილებას სტოვებს და
მხოლოდ საკუთარი თვალი, აი ერთად ერთი ია-
რადი ნამდვილი მშვენიერების დასაფასებლათ.

კი დარაჯათ ამოსდგომია მწვანით შემოსილ მთათა
რიგი.


განიერი და სწორი ქუჩები, ფართე ტროტუა-
რებით, მართალია, ჯერ-ჯერობით ვერ არის სა-
ვარგისათ მოწყობილი, მაგრამ როცა ქალაქის კე-
თილდღეობა გამოიჯობინდება, საუცხოო ნიადაგი
იქნება ხეივნებისა და ყვავილნარების ვასაშენებ-
ლათ.

უმთავრესი მშვენება სოხუმისა ეგ მისი ბაღები
და ხეივნებია. სამწუხაროთ, რევოლიუცია ბაღებს
ერთობ მტრულის თვალით უყურებს, თითქო იგი
კონტრ-რევოლიუციონური დაწესებულება იყოს.
თუ არ ამ მოსაზრებით, სხვაფრე ძნელი ასახსენ-
ლია სამწუხარო მდგომარეობა სოხუმის ბოტანიკუ-
რი ბაღისა. ეს დიდებული განძი ქალაქისა თითქმის
უპატრონოთ მიუტოვებით და ფუჭდება ის, რის
შექმნასაც რამოდენიმე წლები დასჭირდა.

მომავალი შავი ზღვის პირის რკინის გზა სო-
ხუმს ზურგთ უკან გაუვლის. გაძვრება იმ გორაკს
ქვეშ, რომლის ფერდობზედაც ზემორე აღნიშნული
ბოტანიკური ბაღია გაშენებული გამოვა ქალაქის
ბოლოზე. აშკარაა ადგილის სივიწროვმა აიძულა
ძველი მთავრობა, ელატანა ჩვეულებისათვის რკი-
ნის გზა ქალაქის ახლო გაეყვანა.


კარგა ხანია ქალაქი სოხუმი „თავის“ მხრივ
მწვავე კრიზისს განიცდიდა. წარმოიდგინეთ უთაო-
ბის სიმძვინვარე იქამდე მივიდა, რომ ქალაქის თა-
ვად ნიკო თავდიგირიძეც კი აიჩრჩია.

დღეს დღეობით საქმე სხვაგვარ დატრიალდა.
ქალაქის ცხოვრება მის ნამდვილ ჰორისუფლებს ჩა-
უვარდა ხელში და ქირისუფალი, რა თქმა უნდა,
თავსაც სავარგისს გამონახავს და ფეხებსაც.



მე ვიტყვი და თქვენ იმეღია დამიჯერებთ, რომ
ქალაქი სოხუმი ულამაზესია ჩვენს სამშობლოში.
წინ მას გაშლია ლურჯი სივრცე შავი ზღვისა, უკან

მე ძლიერ მესიამოვნა, როცა წარმომიდგა
ახალგაზრდა გრძელ-წვერა, მალალ-მალალი, ხმელი
მელი ყმაწვილი და მომხსენა.



— ქლაქ სოხუმის თავი, ბენიამენ გრიგორის ძე ჩხიკვიშვილი.

— დიდათ სასიამოვნოა, დიდათ სასიამოვნო და სასიხარულო.

მართლაც ბენია ჩხიკვიშვილი ვის არ გაუგონია ჩვენში და არა თუ ჩვენში, შორეულ კიმბირშიც მან სახელი და სიყვარული მოიხვეჭა. ალბათ არ ანებებდენ, თორემ ცხადია სოხუმს სკოლნია თავის ამორჩევა.

თუ რამდენათ უყურადღებოთ იყო მიტოვებული მუნიციპალიტეტის ინტერესები ქ. სოხუმში ამას ნათლად ამტკიცებს შენობა გამგეობისა. თამამად შეიძლება ითქვას, რომ მას ერგება სიგლახის პრიზი ყველა დანარჩენ შენობათა შორის.

პირველი ჩემი ყურადღება სოხუმის ქუჩაზე ერთმა ახირებულმა სურათმა მიიპყრო. „აფხაზთა

კლუბის“ წინ აუარებელ ხალხს მოეყარა თავი. შუაგულში სკამზე ახალგაზრდა აფიცერი იდგა, რომელსაც ხელზე, მსგავსად მიმინოისა, პატარა მხრებ ჩამოყრილი წიწილა ეჭირა და ათამაშებდა.



— Двадцать одинъ рублей, кто больше!
Пасматри, танцуить, танцуить.

საბარლო წიწილს გრძობა დაჰკარგოდა, მხრები საწყლათ ჩამოეშო და უსიცოცხლო თვალებით მისჩერებოდა აფიცერს, თითქო ფიქრობს: ერთი დახედეთ რა დრო დამიდგა, რუსის აფიცერს ხელზე ვუზივარ და მათამაშებსო.

სიმართლე თუ გნებავთ, ის აფიცერი ისე მოხდენილათ ლაპარაკობდა: Танцуить, танцуить-ო, რომ აშკარად ემჩნეოდა უცხო არ იყო ქათმებით ვაქრობისა.

ზოგიერთებს არ მოსწონთ, როცა სამხედრო პირები ქათმებსა ჰყიდიან, სადღურებზე მიბარგეების როლს ასრულებენ, ჩეკებსა სწმენდენ, სემიჩკას ჰყიდიან და სხვ. მათი აზრით ეგ არ შეეფერება ხედართა ღირსებას. ჩემის აზრით კი ეს ერთადერთი გზა მხედრობის დემოკრატიზაციისაკენ. აი ამიტომაც აღმაფრთოვანა სოხუმის ქუჩაზე ნანახმა სურათმა და ვსცადე იმისი თქვენს წინაშე აღდგენა.

დღევანდელი დღე სოხუმისათვის იშვიათი დღეა. ეს არა მხოლოდ იმიტომ, რომ მე შევედი ქალაქში აკაკის თანხლებით, არამედ იმიტომაც, რომ დღეს გაიხსნა ქვეყნის გაჩენიდან პირველი თავისუფალი კრება აფხაზეთის გლეხკაცობისა.

მიუხედევათ იმისა, რომ სიეზღებმა უკვე კბილები მომკვეთა და მათ ისე გავურბი, როგორც თედორე დღონტი ლოდიკას, აფხაზ-გლეხთა სიეზღზე სიამოვნებით ამოგყავ თავი.

სიეზღი ერთობ მოსაწონია გარეგნული შეხედულობით. ქართლელ გლეხს რო აქ შემოახედოა უთუოდ იტყვის:

— ერთი შახედოს კაცმა, რამდენი კნიაზი მოქუჩებულა ე გასაწყვეტიო.

საქმე იმაშია, რომ გარეგანი მოხაზულობითა და მოკაზმულობით აფხაზი გლეხი ძლიერ ჩამოკვავს თავადიშვილს.


ჩემი სიტყვების დასასაბუთებლათ მომყავს აქ სურათი რამოდენიმე პირისა, რომელთა სახის გამომეტყველება აშკარათ გიჩვენებს როგორც მათ თავადურ შთამომავლობას, აგრეთვე მათ სულიერ განწყობილებასაც.

ამხანაგი ა. ერთობ გაბედული, ენერგიული და მხნე გლეხია. მიწა რაც მეტი ექნება მით უკეთესია. კომპრომისები თავად-აზნაურობასთან არ მოსწონს. ლაპარაკობს წამში 18 კვანძის სიჩქარით, მკვახეთ და ლომ-გულათ. მომავლის იმედებით არის აღტურვილი და ღრობით მთავრობას მხარს უჭერს უკანასკნელ სისხლის წვეთამდე.

ამხანაგი ბ. მოხუცი, წინდახედული, გამოცდილი გლეხია. იგი მიწაში ღრმით იყურება და საქმეს კოჭებში სინჯავს. დღევანდელი ვითარება ერთობ მოსწონს, მაგრამ ხვალინდელის იმედი მკვიდრათ არა აქვს გადაწყვეტილი. მიწა ამასაც ბევრი ურჩევნია, ხოლო სისხლის დაღვრა მიწისათვის პროგრამაში არა აქვს შეტანილი. ლაპარაკი დარბაისლორი, თუმცა ჩქარი და მსტვინავი აქვს.

ამხანაგი გ. შუახნის მუშა-კაცია. ყველაფერზე ემჩნევა დაკვირვების ექვიანობის ბეჭედი. საქმეს განიდან უყურებს, თითქო ეშინია, შიგ ფეხი არ ჩამიცდესო. მიწა რამდენიც უნდა მისცეთ, უარს არ იტყვის, ოღონდ სხვამ ჩამოართვას მიწის პატრონებს. ლაპარაკში ის თითქმის არავითარ მონაწილეობას არ იღებს, მხოლოდ უსმენს ბეჯითი მოწაფის ხალისითა და გულისყურით.

ამხანაგი დ. ცნობილია თავისი გულგრილობით ყრილობის სადაო საკითხთადმი, მისი აზრით



ასე წავა საქმე კარგია, ისე წავა კარგია. თითონ არ ლაპარაკობს, მაგრამ ყველას ნალაპარაკევი მოსწონს განუჩრქველად რწმენისა და შინაარსისა.

შუა ნაწილი, ანუ წელის უბანი აფხაზისა, (მეგრელისაც, რასაკვირველია,) ასეთია



მიუხედავად იმისა, ბლუზა აცვია, ჩოხა, თუ პიჯაკი, აფხაზს წელზე უთუოდ რევოლვერი ჰკიდია და რევოლვერი არა უმოკლეს ნახევარი არა შინისა. ჩოხ ანები გარდა ამისა ხმალოსა და ხანჯალსაც ატარებენ. ბლუზასა და პიჯაკზე ხმალ-ხანჯალი იშვიათია.

დავუბრუნდეთ ისევ აფხაზეთის გლეხთა ყრილობას. აკაკი ჩხენკელის კრებაზე გამოჩენას (მე ვიმაღებოდი, თუქცა ერთმა ქალიშვილმა მაინც გამომნახა), დღევანდები აუწყრელის აღფრთოვანებით შეიგებენ. როგორც მოსალოდნელი იყო მრავალი გრძნობით საესე სიტყვები წარმოითქვა რუსულსა, აფხაზურსა და მეგრულ ენებზე. საზოგადოთ უნდა ითქვას, რომ წევრნი საოლქო გლეხთა ყრილობისა შეგნებულათ ეკიდებოდენ საქმეს.

კრება რამოდენიმე დღეს გაგრძელდა. უკანასკნელ სხდომაზე მოსმენილ იქმნა მოხსენება ამა 3. ჯუღელისა.



ვ. ჯუღელი თავის მოხსენებაში შეეხო პეტროგორადის შეიარაღებულ გამოსვლას, დაჰგმო ის, როგორც ასეთი, და შემდეგ გადავიდა ბურჟუაზიაზე. რასაკვირველია, არც ბურჟუაზიას დააყენა კარგი დღე. სიგნდმა მოიწონა მოხსენება და მიიღო მომხსენებლის მიერ წარდგენილი რეზოლიუცია.

ვიდრე ქალაქის წარჩინებულ პირთა შესახებ ლაპარაკს დავიწყებდე საქიროა ორიოდ სიტყვა სოხუმელ მანდილოსანთა შესახებ მომისმინოთ.

თეორიულად დიაცთა საკითხი ჩვენს პარტიას უკვე საქმაოდ გარკვეული აქვს, მაგრამ მიუხედავად ამისა პრაქტიკულ ცხოვრებაში არა ერთი და ორი შემთხვევა სდგება ჩვენს წინაშე, როგორც მხატვრისა და იუმორისტის, რომლის სათანადო გადაწყვეტა პარტიული გზიდან გადახვევას მოითხოვს ხოლმე.

განსაკუთრებია ტრადიკულია მხატვრული მომენტი გასაჭირისა. თქვენ ალბათ მოგხსენდებათ კრიტიკული მდგომარეობა მხატვრისა, რომელსაც ცალ-თვალა მეფემ სურათის გადაღება დაავალა. წინ წყალი და უკან მეწყერი დაუდგა საბრალლო მხატვარს, ვინაიდან:

დახატავდა ცალ-თვალას, მეფე გასწყურებოდა: როგორ მაკადრე ცალ-თვალობა, მე ხომ მეფე ვარო და თავს მოაძრობდა;


დახატავდა ორივ საღი თვალით, მაინც გასწყურებოდა მეფე: შენ სიმათლეს დალატობ, მე ხომ ცალი თვალი მაკლიაო, და თავს მაინც მოაძრობდა.

მოგხსენდებათ ალბათ ისიც, თუ როგორ დაახწია თავი განსაცდელს აღნიშნულმა მხატვარმა: მან მეფეს ხელში თოფი მისცა, წინ ირემი დაუხატა და ცალი თვალი დაახუჭვია.

ეს ყველაფერი კარგია, მაგრამ ყველა მხატვარს სად შეუძლია ასეთი მოხერხებული გზა გამოიხატოს? მდგომარეობა კი არსებითად ისეთივეა, როგორიც იმ მხატვრისა.

აი მოდის თქვენთან ქალბატონი ელენე და გუებნება: აბა, ბ-ნო ეშმაკო, დამხატეთ ერთი...

მე ხატვა არ მეზარება ღმერთიც მოწამეთა მყავს და ჯოჯოხეთიც, მაგრამ უნებლიეთ იბადება საკითხი: დახატო ასე, ვაი ბ-ნ ეშმაკს; დახატო ისე, უი ბ-ნ ეშმაკს. ერთი სიტყვით ჩემს წინაშე სდგება იგივე „წინ—წყალი, უკან—მეწყერი“, მაგ-




ვარდა იმისა, რომ ადგილობრივ კოოპერატივში ენერგიულ მუშაობას ეწევა, სევასტი ახალ ხმოსანთა რიცხვშიაც ურევია და რამოდენიმე კომისიის წევრათ არის არჩეული. ვარდა ადგილობრივი კადეტებისა, სევასტის ყველა სიყვარულით ეპყრობა, რაიც თავისი დაუღალავი მოღვაწეობით დაუმსახურებია. მიუღდომლობა და სიმართლე მინდორში როდი ჰყრია, რომ ყველამ აიღოს და ჯიბეში ჩაიღოს. რა მიზეზით არის კადეტების სევასტისადმი უკმაყოფილება გამოწვეული — ჩვენ ვერ გავიგეთ, თუმცა საარჩევნო ავტოციასთან უნდა ჰქონდეს განხეთქილებას კავშირი.

რამ თუ კი ვიღაც ძველის-ძველმა მხატვარმა კი დაახწია თავი ასეთ მდგომარეობას, მე რაღა მაჩანჩალა ვარ ცხოვრებისა? მეც, რასაკვირველია, ვიპოვე გზა ხსნისა, ვინაიდან საკმაოდ შესწავლილი მაქვს ფსიხოლოგია კაცობრიობის ნახევარისა.

ასეთ შემთხვევებში მე მოვიკრებ ხოლმე მთელ ჩემს ძალ-ღონეს, მთელ მხატვრულ ნიჭს და ვხატავ მსურველ ქალბატონს 100% ორიგინალზე უფრო ლამაზს.

რა თქმა უნდა სურათი დედანთან სწორი არ იქნება, მაგრამ მოწონება დედანის მიერ უეჭველ უზრუნველყოფილია და ჩემთვის ამას დიდზე უდიდესი მნიშვნელობა აქვს.

ახლა დაეუბრუნდეთ ქალაქის საპატო პირებს.



ვარლამ წიფწივაძე აგრეთვე ერთ-ერთ წარჩინებულ პირთაგანია ქ. სოხუმისა. ძველათ, თვითმპყრობელობის დროს იგი ჩვენი ჟურნალის თანამშრომლად ითვლებოდა და სწორეთ მას უნდა მიეწეროს სოხუმიდან ცნობათა მოწოდების სიძლიერე. ვარდა ამისა მას ბევრი სხვა ღვაწლიც მიუძღვის. დღეს იგი სოხუმის კოოპერატივში იღვწის და ამასთან ქალაქის ხმოსანთა შორისაც დავინახე.

ეს სურათი, რომელიც გამოხატავს ადგილობრივ მოქალაქეთა ერთ-ერთ ტიპიურ წარმომადგენელს, გადაღებულია ჩემ მიერ აფხაზთა კლუბის წინ. ის მხოლოდ იმ პარტიას ეკუთვნის, ვინც მას არაყისათვის ათშაურიანს აჩუქებს. ტომით რუსია და ბევრიც უმოგზაურია დედა-რუსეთის სიგრძესიგანეზე.

სევასტი რამიშვილი, თუ არა ვცდები, ყველაზე უფრო პოპულიარული პიროვნებაა ქ. სოხუმში.



დასასრულ უნდა შევცხო გამოსათხოვარ ნა-
დიმს, სადაც თამადათ ერთხმად არჩეულ იქმნა
სოხუმში დიდათ ცნობილი ამხ. დიმიტრი ზახარჩი.



განსაკუთრებით მომეწონა მისი წეს რიგი თა-
მადობისა, ვინაიდან პირველად ჩემს მოსწრებაში
მან ყველაზე წინ ჩემი სადღეგრძელო დალია, რო-
გორც ფუტურისტი მხატვრისა და გამოიყვანა იმ
უხერხულ მდგომარეობიდან, რომელსაც გამოიწვევ-
და მასში მისი საკუთარი სურათის ნახვა,

რასაკვირველია, მარტო მისი კარგი თამადა-
ობით არ აიხსნება მისი სოხუმის საბჭოს თავმჯდომე-
რეთ არჩევა, ვინაიდან ძველი ქალაქის თავი თავა-
დი ნიკო თავდგირიძე ამ დარგში არა ნაკლებ
ცნობილი იყო, მაგრამ სოხუმის დემოკრატიათ ის
გააშავა.

ნადიმზე ჩემი ყურადღება დაიმსახურა აგრეთვე



მილიციის უფროსმა ბ-ნმა ხელტურბაიამ. მას ერთობ
საოპერო მაღალი ტენორი აქვს და თუ ხმას და-
ამუშავებს ჩინებული მომღერალი დადგება.

საქიროთ მიმანია აღენიშნო, რომ მე ვინა-
ხულე სოხუმის სკოლა ქართველითა შორის წერა-
კითხვის გამავრცელებელ საზოგადოებისა და აგრე-
თვე „ფინჯანი ჩაი“ ამავე საზოგადოების მიერ მო-
წყობილი. სკოლამ ჩინებული შთაბეჭდილება მო-
ახდინა თავისი მოწყობილობით და მომავალშიაც
დიდ იმედებს იძლევა.

რაც შეეხება „ფინჯან ჩაის“, იმის შესახებ
რისიმე თქმას ვერ ვებდავ, ვინაიდან რამდენჯერაც
არ მივედი ვერც ფინჯანი ჩაი ვიზოვე, ვერც ყავა
და ვერც სოხუმში ცნობილი „ანკარა“.

სოხუმიდან ჩვენ ოჩემშირესაკენ გამოვემგზავ-
რეთ, რომლის შესახებ ვეცდები შემდეგ ნომერში
გემუსაიფოთ.

ეშმაკი.

(შემდეგი დღისწარს).

კომისართან.

სტენები 1 მოქმედებად.

(სტენა სწარმოებს ზემო იმერეთის ერთ-ერთ პროვინციის კომისართან).

(გუძღნი ვასო არაბიძე).

მ. ო. მ. ქ. მ. ე. დ. ნ. ი. პ. რ. ნ. ი.

კომისარი	36	წ.
ნარიმანი	}	.	.	.	40	—
ნოზრევანი		ზემო იმერეთის	.	.	50	—
ბასილა		გლეხები.	.	.	45	—
ანთიმოსა		.	.	.	60	—
სალომე ანთიმოსას შვილი.	20	—
დარეჯანი	50	—
საღდათი დარეჯანის შვილი.	25	—
გარა ლოთი ძველი წულების მკერავი (ფინაჩი).	37	—
1 მილიციონერი						
2 მილიციონერი						

(სტენა წარმოადგენს კომისარის კანცელიარიას. კანცელიარიის გადებულ ფანჯრიდან მოსჩანს „კარიდროში“ მდგომი მთხფანელები. დიდი ჩიქოლი და ღაწარაკია, კლიან კომისარს. დილა. ისმის მილიციონერის ხმა: „მოითმინეთ, ხაღსნა, მოითმინეთ!“ ამ დროს გამჩნდება კომისარი, რომელსაც შემოესვენებს მთხფანელები და მიუხაღმებენ: „პრისტავს გუუმარჯოს, პრისტავს!“ კომისარი იწევს კანცელიარიისკენ და დადის ვაიკაგლანთ ცაღი გვერდით შემოქრება კანცელიარიისში. შემოჭეკება ხაღსნიც, მაგრამ მილიციონერი ერეკება გარეთ).

I

კომისარი და მილიციონერი.

მილიციონერი. მოითმინეთ, მოითმინეთ და ყველას დაგიძახებთ (კარების შიგნით გაჩერდება).

კომისარი. ფუ, დასწყევლოს ღმერთმა, კინაღამ დამაზარტეს კაცი! არა, ამათ გაძღვებას ქეშმარიტად რკინის თავი უნდა! ვაი, ნიკოლოზო, შენ დაგექცეს ოჯახი, როგორც შენ ჩემ საუბედუროთ გადმოვარდი ტახტიდან. ესლა დაუჯექი ამათ და იხეთქე თავი ზოგს წიწილი დაუკარგავს, ზოგს კვერცხი, ზოგისთვის ღობე გაურღვევიათ და ყვე-

ლა აქ მორბის საჩივლელოთ! არ ვიცი, არ ვიცი ამდენ კლიაუნის საჩივრებს როგორ უნდა გაუძლო! მილიციონერი. ნეტა ძვილათაც თუ ასე იყო, როგორ უძლებდნენ ბოქაულები!

კომისარი. ძველათ, ჩემო ვანო, თავს არავინ გაიცხებდნენ მაგათთვის და ზოგიერთებს კაი-კაისაც მიარტყანდნენ, და თუ ცოტათი შეიწუხებდნენ თავს, სამაგიეროთ ჯიბეებს ისქელებდნენ.

მილიციონერი. მაინც და ერთი-მეორეს რომ არ აცლიან!

კომისარი. სწორედ მაგაშია საქმე, თორემ რომ აცლიდნენ და დალაგებით ღაბარაკობდნენ, რაღა მიჭირდა მაშინ!

ხმები: „ბატონო, დაგვალამდა, სამართალი მოგვანიჭე, სამართალი!“

კომისარი (მილიციონერს). გაუღე კარები და რიგ-რიგათ შემოუშვი, თორემ შეგვეკამენ! (მილიციონერი კარებს გაღებს. ხალხი კარებს მოასქდებდა, მაგრამ მილიციონერი ერთს შემოუშვებს მხოლოდ დანარჩენს კი გარეთ ერეკება. თითონ ისევ კარებში დგება შიგნით).

II

იგინვე და ნარიმანი.

ნარიმანი (ძველი ჩოხა-ახალუხი აცვია, ფეხებზე ქალაშნები. ყაბალახს გადაიხდის და მდაბლათ საღამს აძლევს კომისარს). პრისტავი აცოცხლა ღმერთმა!

კომისარი (ნაწყენი). უკაცრავად, ამხანაგო, მიკრისტავი არ გასლავართ! მე ვარ ხალხის მიერ ამორჩეული მმართველი, ანუ კომისარი.

ნარიმანი. ხო და ხალხის ამორჩეული რომ ბრძანდები, შენ დაგენაცვლოს ნარიმანი, მეც იმიზე გიხსენიებ ზდილობიანათ.

კომისარი. ზდილობა კი არა, პრისტავის დაძახება ჩემთვის შეურაცყოფაა, გესმის?

ნარიმანი. მესმის ბატონო პრისტავო!

კომისარი. კიდეც! კაცო, მე პრისტავი არა ვარ, გესმის თუ არა?!

ნარიმანი. იმე! ბოშო, მე ზდილობიანათ გიხსენიებ და შენ ქე მიწყურები!

კომისარი. ბძანეთ, ბატონო, რა გინდათ, მე ამდენი დრო არა მაქვს.

ნარიმანი. მოგახსენებ, შენ დაგენაცვლოს ნა-

რიმანი, მარა დალაგებით მომისმინე და ნუ გამიწყურები, პატონო პრისტავო.

კამისარი (შეწუხებული). ოხ, რა ვქნა! კიდევ პრისტავი! კაცო, გადაშენდა ის პრისტავები აღარ არის, რით ვერ, გაიგე!.. მითხარით, ბატონო, რისთვის მოხვედით ჩემთან, რა გინდათ?

ნარმაზი. მოგახსენებთ შენი ქირიმი. შენ განათლებულ შუბლს დაენაცვლოს ნარიმანი ყორისფელი დალაგებით მომისმინე. მე, როგორც მოგეხსენებათ ერთი ღარიბი გლეხი გახლავართ და იმედია, ბატონო, პრის... ბატონო კომიტატო, სამართალს მომანიჭებთ და უხაკონოთ არ დამჩაგრავთ.

კამისარი. გისმენთ, სთქვით რაშია საქმე?

ნარმაზი. შენ დაგენაცვლოს ნარიმანი, ხო... იგი ჩვენი იორდანე პირშავაძის ბიჭი რომაა, ბატონო, პროკლია, ქე გეცოდინება შენც. შენი ვალუგებარი რაღა იქნება ქვეყანაზე, შენ დაგენაცვლოს ნარიმანი.

კამისარი. მერე, სთქვით რაშია საქმე?

ნარმაზი. ისეც კაი დაგემართოს! ის პროკლია, ბატონო, ნამდვილ ძველი თაობის უნდა იყოს, შენ დაგენაცვლოს ნარიმანი, თვარა ის რომ ახალთაობის იყოს, რავე ჩემისთანა გაჭირვებულ ადამიანს ასეთ დღეს დააყენებდა!

კამისარი (დაყვავებით). სთქვით, ამხანაგო, რა გიყოთ იმ-პროკლიამ?

ნარმაზი. იმე! რეიზა იკადრებ, ბატონო, მე სიღოური შენი ამხანაგი ვარ, შენ დაგენაცვლოს ნარიმანი!

კამისარი (მოთმინებიდან გამოსული). ოხ, რა ვქნა!

ნარმაზი. ნუ გამიწყურები შენ დაგენაცვლოს ნარიმანი. მოგახსენებთ, ბატონო პრის... ბატონო კომიტატო. იმ პროკლია პირშავაძემ დამღუპა და დამაქცია თელათ კაცი! ღორი მომიკლა, ბატონო, შენ დაგენაცვლოს ნარიმანი, მისთანა მაკე ღორი რომე მისი ცალი საქონელი ქეც არ დაიარებოდა ჩვენ საზოგადოებაში. მისთანა გაბიზინებული დადიოდა, ბატონო კომიტატო, რომე თელათ ზანზარი გაქონდა მიწას, შენ ნუ მოუკვდები ნარიმანს!

კამისარი. მერე და რისთვის მოგიკლა, რა არის მიზეზი.

ნარმაზი. რა ვიცი, შენ დაგენაცვლოს ნარი-

მანი, ქე კი დამაფსო და დამაქცია კაცი და! მერე რავალი გაბიზინებული, ბატონო, რავალი მაკე ვი, ჩემი ცოდვა ნუ გამოუღიოს მას მამაზეციერმა კამისარი. ფსად რა ეღირებოდა თქვენი ღორი? ნარმაზი. რა ვიცი, ბატონო, რა ეღირებოდა მისი ფასი, შენ დაგენაცვლოს ნარიმანი, ხუმრობა კი არ არის ახლანდელ დროში! ვაიმე, რავე დამაფსო კაცი, რავე დამღუპა მე უბედური! (წუწუნით) დედა, რომ მოუყრიდა ცამეტ კუდებქრელა გოქებს და დაიწყებდნენ ღრუტუნს...

კამისარი (სიცილით აწყვეტინებს). ხა, ხა, ხა, ხა! მერე და რა იცი რომ ნამდვილათ ცამეტი ეყოლებოდა და ისიც კუდებქრელები!

ნარმაზი. კი, შენ ნუ მოუკვდები ნარიმანს! ისეთი ჯიშინი ღორის დამაკებული იყო, ბატონო, რომე ცამეტი და თორმეტი თუ არა, თერთმეტი მაინც ეყოლაბოდა შენი რისხვა ნუ მომეცემა!

კამისარი (იციანის). ხა, ხა, ხა, ხა! კარგი, კარგი. რა ჰქვიან იმას, ვინც შენ ღორი მოგიკლა?

ნარმაზი. პროკლია, შენ დაგენაცვლოს ნარიმანი.

კამისარი. გვარი?

ნარმაზი. პირშავაძე, ბატონო.

კამისარი. რომელი საზოგადოებისა?

ნარმაზი. მერევის საზოგადოების, შენ დაგენაცვლოს ნარიმანი.

კამისარი. კარგი, დავიბარებთ ხუთშაბათისთვის იმ პირშავაძეს და თქვენც მოდით იმ დღისთვის, როგორმე მოგარიგებთ. ეხლა მიბძანდით.

ნარმაზი. კი, ბატონო, გაახლებით. (მიდის, მაგრამ კარებიდან მობრუნდება) მაგრამ... ხო... ის არ დავაგიწყდეს, შენ დაგენაცვლოს ნარიმანი და დაბეჯითებით ჩასწერე ყნილაში, რომე ღორი ნამდვილ მაკე იყო, შენი ჭირი შემეყაროს. (მიდის).

კამისარი (სიცილით). ჰო, კარგი, კარგი.

ნარმაზი (მობრუნდება). მერე, მისთანა ჯიშინი ღორის დამაკებული, შენ დაგენაცვლოს ნარიმანი რომე...

კამისარი (აწყვეტინებს სიტყვას). ჰო, კარგი, კარგი, ყველაფერს გამოვიძიებ.

ნარმაზი (გულზე ხელის რტყმევით მიდის). ვი დედასა, რავალი გაბიზინებული იყო, რავალი მაკე! რავე დევიფსე კაცი (გაღის).

კომისარი. ხა, ხა, ხა, ხა! „უსათუოდ ცამეტი ეყოლებოდა და ისიც კუდეტქრელები!“-ო როგორ მოგწონს, ვანო, ჰა?

მილატიონერი. რა ვიცი, დასწყევლოს ღმერთმა! მე სანამ ცხრა თვე არ გვეილა ვერ გვეიგე ჩემ ქალს ტყუბი ეყოლებოდა თუ ცალი და მაგი კი დაჯინებით გაიძახის მანდამაინც კამეტს მოყრიდაო! ალბათ შარჩიელს თუ არჩევია (იკინის).

პ რ. შა: „მეცა, ბოშო, ჩემი რიგია!

მკოთ. ხმა: „იმე, მე უთენია მოვსულვარ აქანა და ახლა შენ შეგიშვებ გგონია! (ჩოჩქოლი ისმის)

კომისარი. (მილიციონერს) შემოუშვი ის წუხანდელი დაქერილი ლოთი. (მილიციონერი კარს აღებს და შემოპყავს გარა).

III

კომისარ , მილიციონერი და გარა.

კომისარი. (გარას) თქვენ ითვრებით, ღვინოს სვამთ და წესიერებას არღვევთ.

გარ . (ძველი წუღების მკერავია, ანუ ფინაჩი. ქუჭკიან პერანგზე ძველი ახალუხი აცვია. ფეხებზე ძველი ჯღანები აქვს. წინ ღამით ნამთვრალევი გარტრანებულო სდგას, თვალებს ვეღარც-კი ახელს). რას ვამდგრევი მე ღვინოსა ვსვამ და რა ვიცი იქ (მუცელზე აჩვენებს) იმღრევა თუ იწმინდება!

კომისარი. თქვენ ხუმრობას თავი დაანებეთ გირჩევნიათ!

გარა. რა ხუმრობა, რის ხუმრობა! ასამდგრევი ღვინო სად არის, გასპადინ პრისტავ!

კომისარი. (ხმა მალლა) ამდგრეთ კი არა, არღვევთ მეთქი!

გარა. დიხ ვარღვევ. მაშ ჩემი ხელობა მეტი რა არისი ფინაჩი კაცი წულას ან დაარღვევს, ან შეტკერავს.

კომისარ . ხა, ხა, ხა, ხა! (გვერდზე) ამას სხვანაირათ უნდა ვეღაპარაკო, თორემ სხვა გზა არ არის. მე თქვენ მიფრთხილილითი (პაუზის შემდეგ) მომეცით სატყვა რომ აღარ დაითვრებით და მაშინ გაგიშვებთ ამ ერთხელ.

გარა. ვა, მირონცხებულმა კაცმა ღვინო არ დალიოს სად გაგონილა!

კომისარი. მე თქვენა გკითხავთ: მაძლევთ სიტყვას რომ აღარ დაღვევთ თუ არა?

გარა. რა ვქნა, ცოტას დავიკლებ, ბატონო,

ორ ბოთლს ვიხლები დღეში.

კომი არი. (სიცილით) ხა, ხა, ხა, ხა! ორი ბოთლი ჰა? გულზე რომ დაგადგეთ? მე გიმეორებთ: თუ მომცემთ სიტყვას რომ აღარ დაღვევთ მაშინ გაგიშვებთ, თუ არა და ციხეში გაგზავნით იცოდეთ.

გარა. ნუ, თქვენი ხათრისთვის ერთი ბოთლი იყოს, ბატონო, მეტი რა ვქნა!

კომისარი. ხა, ხა, ხა, ხა! მოდი ეხლა და ამას ელაპარაკე! (გვერდზე) ეს თუ არ შევაშინე სხვანაირათ არ მოხერხდება. (მილიციონერს თვალს უზამს და გარას შესაშინებლათ) ვანო, გადაეცი სხვა მილიციონერებსაც და შენც არ დაგავიწყდეს. ნახოთ თუ არა მთვრალი ბაზარში ეს ვაჟბატონი, მაშინვე ესროლეთ.

გარა. ბაზარში სულ არ გავალ, ბატონო, სახლში მოვიტან ღვინოს, დავითვრები და იქვე დავიძინებ.

კომისარი. (გადიხარხარებს) ხა, ხა, ხა, ხა! მაშ ვერ ეთხოვებით ღვინოს, ჰა?

გარა. რა ვქნა, შენი ქირიმე, თათარი ხომ არა ვარ რომ ღვინოს თავი დავანებო! მეც მონათლული ვარ და მეც მირონი მცხია.

კომისარი. (ღიმილით) კარგი, ამ ერთს გაპატიებ და თუ კიდევ გაგივლია ბაზარში მთვრალი, მაშინ მე ვიცი!


გარა. არა, ბატონო, სახლში დავითვრები და იქვე დავიძინებ.

კომისარი. წადი, ეხლა არა მცალიან შენთან სალაპარაკოთ. იცოდეთ თუ მთვრალი დაგინახე, ცუდათ წავიგა საქმე


გარა. (მიდის, მაგრამ ისევ შემობრუნდება.) თითო ჩაის სტაქანი რომ დალიოს კაცმა პახმელიაზე, მითომ შინავათობა იქნება?

გოგია.

(შეღვეო იქნება)



ღ რ თ ნ ი მ კ ფ ო ბ ე ნ



დასახდისი. ნეტავ რა მოხდა, რომ ერთი კვირაა ქათმები კვერცხს აღარ სდებენ.

ქათმები. გეყოს დაია რაც ამდენ ხანს დაგიდეთ. ქვეყანა იფიცება და ჩვენ კი რაღა ვართ.